



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 7. Calumnia de impeditis ab Societate Regiis vectigalibus expungitur.

urn:nbn:de:hbz:466:1-38528

Sociorum
non Hispanorum lau-
des.

Animarum
estimatio.

CAPUT
VII.
Calumnia
de impedi-
tis ab So-
cietae Re-
gis vecti-
galibus ex-
pungitur.

Socii externi
tributo fa-
vunt.

Philippi IV.
Regia libe-
ralitas.

Sociorum
prudentia.

Philippi IV.
in Indos
amor.

Eius Religio-
nis amplifi-
canda stu-
dium.

dedecore, ut cā occasione potius excusum sit in singulorum laudes. Et profectō apud omnes constabat, quām sine probro jam inde à prima fundatā Provinciā origine usque adhuc, selectissimi externarum nationum homines religioni amplificandæ operam suam navassent. Nec ignorabatur in hāc Australi plagā, plerasque Ethnicorum regiones per eos homines primū aditas & utilissimē adjutas, multāque oppida ex reductione Barbarorum pro augendo Catholici Regis dominio fundata fuisse: perqū superstites, spreta Hispanorum urbium commoditate, non contemnendo Christianæ Reipublicæ bono decessorum suorum vestigia premere, nihil satius habentes, quām si per bonam & malam famam, quamplurimas Ethnicorum animas Christi sanguine redemptas, ideōque quovis auro pretiosiores, ē dæmonum tyrannide in libertatem filiorum Dei, & Regis Catholici servitium suayissimum afferant: hoc nempe semper male habuit habebitque dæmonem, eos homines acerbissimē infestati solitus, quos suis partibus infensiores esse co-gnoverit.

AD quos extubando, præter phantastici auri machinam, id etiam dæmon adhibuit, ut per fautores suos spargeret in vulgus, & Magistratibus obtruderet, ab externis hominibus instillati Neophytis affectum Regio æratio minus utilem; sed & illud fortiter everberatum est per Senatorem Regium Joannem Ullsquium Valverdium, qui post inspecta Regis nomine Paranæ & Urvicæ oppida, disertis verbis ad Regem Catholicum scriptis, ex omnibus Societatis Religiosis ad Paranam & Urvicam elaborantibus nullos abs se repertos fuisse, qui propensioribus animis de tributo ab Neophytis Regi persolvendo agerent: quamquām non omiserim dicere eam calumniam non in folos externos, sed & in omnes Paranæ & Urvicæ: ut vocamus, Missionarios fuisse projaculatam. Nonnulli enim servitio Indorum inhiantes, Societatem Paraquatiensem apud supremos Magistratus absoluti in Neophyto dominii sine fine accusabant, exinde occasione sumptā, quōd Neophyti per tot annos post suscepit Fidem, nec Regi tributum solverent, nec Hispanis servirent. Sed illa criminatio hominum erat Societatis integritatē, & Regis Catholici Christianam planè prudentiam ignorantium, aut ignorare se simulantium: res enim, uti mox referam, sic se habet. Cum multorum annorum experimento constet, Barbaros nullā re absterrei magis, quām si Europæis hominibus personali, ut vocant, servitio se noverint mancipandos, Societas communicato cum Magistratibus & Praefilibus consilio, cognito Barbarorum genio, caute admotū corum terras invadunt, propositaque solummodū Religionis & erga Hispanum Regem obsequii causa, à nulla re carent magis, quām ne Barbari in suspicionem veniant se aliquando privatis hominibus servituros: aliquantolū verò cicuratis persuadent Socii, conduciblē ipsi fore, si Hispanis mercede se conductant, & aliquod tributum Regi Catholico solvant, cuius armis & autoritate ab hostibus suis defendantur, & cuius sumptibus verè legis Doctores ex Europa transportantur, alunturque. Quas prudentiæ leges Rex Catholicus approbans, illud etiam addidit, ut Neophyto omnes per decenium, ab unicuiusque ad Fidem conversione computandum, amplissimo Diplomate ab quovis tributo liberaret. Et quia illud temporis spatium nondum satis expolitis hominibus sufficere vīsum est, aliud decenium ita indulxit, ut Neophytorum nullus ante vigesimum conversionis annum tributum pendere cogatur: mavult enim Rex Catholicus æternō animarum lucro Christi gazas, quām ætarium suum ære perituro, dīscere: dignum ratus Catholicus & Regio animo beneficiis Barbaros ad fidem Christianam allicere; non oneribus ab ea capessenda absterrete. Prætereà Rex non ignorabat Paraneses Urvicensesque Neophyto continuis insultibus ab Mamalucis haetenū vexatos, ē patrio solo expulsos, plerosque in duram servitutem redactos fuisse; reliquos verò, militum more, ad propulsandum hostem vivere, ideōque prudenter haetenū tributum non exegit ab eis, quibus aut auxilia, aut stipendia debebantur. Quæ prudentiæ placita pessundantes Societatis calumniatores, in Neophyto nostros, quasi Reipublicæ in-utiles, non cessabant perstrepere, & per speciem boni publici privata commoda,

& Indorum

& Indorum servitiae querere. Sed tandem calumnia; & otiosorum hominum importuna cupiditas, utcumque quievit. Nam Neophyti omnes Paranenses Urvaicensesque aliquantulum pacem adepti, post condita oppida, & templo erecta, exemplo indulti Regii utroque decennio, post censum ab Regio Senatore factum, lumenter Regi Catholico tributum se soluturos spondere.

Indi Urvaicenses Para-

nenserg, tri-

butum sol-

vient.

HUJUS calumniæ additamentum fuit, persuadere voluisse Regi Catholico, Religiosos Societatis, ærarii Regii expensis inutiliter ex Europâ in Paraquiam transportari, aliisque. Hoc nempe etiam angit dæmonem, quod tot præstantes viri ex Academiarum Europæarum luce, & virtutum religiosarum palæstris, tanquam generosissimi milites electi, ad se ex antiquâ possessione deturbandum, & ad præliandum bella Domini, veniant. Verum hujus calumniæ fabricatori abunde mihi satisfecisse hoc volumine videor, tot nationes Regi Catholico per Europæos Socios solâ Cruce armatos subditas; tot regiones sudoribus & sanguine conferratas; tot hominum millia ad partes Christi translata enarrando. Sed Vivat Rex Catholicus, qui quamvis gravissimis bellis implicitus, in summâ æratii publici penitentia memor nominis sui, glorioas expensas facit in mittendis ex Europâ, nutriendisque his, sine quibus (abstir verbo invidia) pietas ex his Australibus Americae regionibus exularet; tot millia Barbarorum aut adhuc gementium sub dæmonum jugo, aut dentibus rapacium luporum paterent. Attamen otiosi homines, instigante dæmons, ne quid inexpertum ad vexandos expellendosque Socios Paraquarienses relinquenter, ausi sunt eo nomine apud summos Magistratus fugillare, quasi non sanam doctrinam, & hæresim sapientem, Neophytis instilarient.

CAPUT
VIII.
De utilitatib;
Sociorum
Europeorum.

Philippus
Quaratus Rex
Catholicus
laudatur.

CUM verò probosissimæ accusationis causa indagaretur, nullam aliam dabant adversarii, quam quod Societas in reddendis Guairanicè Dei & Dei Filii, necnon Dei Matris nominibus, iteretur verbis à lingua Barbarorum depromptis in suâ ethymologia stedæ significationis, præstigiatoribusque olim attributis. Sed non perfunctoriæ se ab his technis extricavit Societas, opposuitque eorum verborum ab se usurpatorum, per integrum sæculum constantem usum, ab summis & expertissimis hominibus nunquam improbatum. Josephum Anchietam, virum patratis miraculis clarum, qui lingua Brasiliæ idioma, ab Guairanicâ paucis dialectis tantum differentis, apprimè calluit, eo modo quo Socii Paraquarienses Deum & Dei Filium, necnon Dei Matrem Guairanicè nominant, Brasiliæ etiam appellate: Episcopos Paraquaria omnes, viros clarissimos, Dominicanos, Mercenarios, & Franciscanos, qui in Paraquariâ ante Societatis adventum gloriosissime in reducendis Indis infudarunt, ille, quibus postea Societas, verbis usos fuisset. Sanctissimum virum illum Ludovicum Bolaños, Americæ, Seraphicique Ordinis novum fidus, qui duarum Synodorum Provincialium jussu Christianam doctrinam feliciter traduxit, revisitque, non alia adhibuisse verba in explicandis prædictis nominibus, quam ea, qua Societas usurpat. Quare cum Concilium Limense ab Summo Pontifice approbatum præcepit, ab catechistis ea verba adhiberi in explicandâ doctrinâ Christianâ, quibus diœcesales Synodi uti præcepissent, conclusum est, aut eas Synodos, & Episcopos, & omnem retrò antiquitatem, clarissimosque Religiosorum Ordinum viros & Inquisidores Fidei Brasiliæ traductionis censores, hæresis esse damnandos, vel Societatem absolvendam. Sic in calumniæ authores vertit infamia.

CAPUT
IX.
Alia Sico-

phantia de
traductione
Cateche-

scos dilui-

tur.

Auctores
Guairanica
Catecheses
traductionis.

NEC infeliciorem exitum habuit infamatio, quæ Paraquarienses Socios apud summâ tribunalia, & in publicis privatisque congressibus, tanquam schismaticos traducebat: nam cum id ideo fieret, quod Societas sententiam rogata respondisset Episcopo, sine litteris Apostolicis consecrato, nullum jus esse ad Episcopatum: accedente postea Summi Pontificis iudicio id idem sententis scilicet nullam jurisdictionem Episcopum sic consecratum habuisse determinantis, facile omni-

CAPUT
X.
Societatis
de conse-
cratione fa-

na doctri-

na.